



ENTOÙ MERDEEREZH STÊREL – LES ESSENTIELS

Ehanoù stêrioù Breizh zo ur gevredigezh bev-buhezek hag a vod ouzhpenn ur c’hant bennak a dud a bled gant ar c’hanolioù Breizh:

pretiourien, herberc’hier, tud a vicher war dachenn an douristerezh a-hed ar stêrioù He fal eo brudañ ha reiñ buhez d’an hentoù bageal e Breizh.

KANOLIOÙ BREIZH – Ur Rouedad Dibar E Bro-c’hall

Brudet eo Breizh abalamour d’he aodoù ha d’he gweledvaoù o terriñ an anal. Ur binvidigezh dibriz en hec’h herezh ivez, met nebeutoc’h anavezet: he c’hanolioù hag he rouedad stêrioù. Ar ganol Naoned-Brest, penn-krec’h ar vro, ar Blavezh a vez taolet er Meurvor Atlantel, ar ganol Mor Breizh-Meurvor, a liamm an daou vor En holl ez eus ouzhpenn 600 kilometr a hentoù-dour da vezañ dizoloet hervez lusk ar vag, ar bale, ar marc’h-houarn pe ar marc’h.

KANOL NAONED-BREST

Eus Naoned, keoded an Duged, da Vrest, ar porzh brasañ e Breizh, ar ganol Naoned-Brest a ya a-gevret gant roudoù ar bourmenerien war skizh Breizh a-ziabarzh.

- An Ergerzhadenn

237 skluz 364 km eus skluz Sant Félix (Naoned) da skluz Gilli-Glaz e Meilh-ar-Wern da Gastellin

Hentad

Eus Naoned da Enorzh: un hentad war hentoù bihan ha ne vez ket heuliet seul taol gant ar stêr. Eus Enorzh da Veilh-ar-Wern: an hent-kanol a zo bet kempennet en un hent glas al lodenn anezhi etre Enorzh ha Karaez (niv. 1). Mont a reot hebiou da lenn Gwerledan dre an hent glas niv. 6. Eus Meilh-ar-Wern d’ar Mor Bras: heñchadur a hentoù bihan ha ne vez ket heuliet seul taol gant ar stêr.

Etre Naoned ha Redon:

17 skluz - 88,40 km – Kalandour: 1,20 m war an Erzha hag al lodenn sanellet – Kalanaer: 3,80 m war an Erzha ha 3,00 m war al lodenn sanellet.

-Etre Redon ha Gwerledan:

91 skluz a-hed 117,80 km – Kalandour: 1,40 m - Eoriadur: 1,40 m - Tizh brasañ: 8km/e (5km/e etre ar skluzioù 55 ha 107) - Uhelder diheud war stank reizh: 3m.

- Etre Pondi ha Stankell Gwerledan

Ne c’haller ket merdeñ betek-henn.

Etre Lenn Gwerledan ha Skluz Doubl Koad Natous: 10 skluz - 26 km – Kalandour: 1,10 m – Kalanaer: 3,20 m

- Etre skluz Doubl Koad Natous ha skluz Goariva

Ne c’haller ket merdeñ betek-henn.

Etre Skluz Goariva ha Meilh-ar-Wern

46 skluz - 84 km – Kalandour: 1,10 m war al lodenn sanellet ha 3,20 etre Guily Glaz ha Kastellin – kalanaer: 3,20 m

AR BLAVEZH

War varc’h etre Pondi, keoded an dug gant he c’hastell ha Napoléonville, ur gêr impalaerel gant straedoù treset gant ar gordell.

- An Ergerzhadenn

28 skluz - 57,4 km eus skluz ar Rekolezed (Pondi) da skluz Polwern en Henbont.

Hentad



- Eus Pondi da Henbont: An hent-kanol - Eus Henbont d'an Oriant - hentoù bihan na hedont ket stêr seul taol.

- Etre Pondi hag Henbont

17 skluz - 88,40 km - Kalandour: 1,40 m - Eoriadur: 1,60 m - Tizh brasañ: ((5 km/e etre skluz Polwern ha pont Janed ar Flamm)

KANOL MOR BREIZH-MEUVOR

Ar ganol Mor Breizh-Meurvor zo ennañ Kanol Il-ha-Renk hag ar Wilen. Kregiñ a reomp ganti e penn ar Renk war vor e skluz ar C'hasteller.

- **An Ergerzhadenn:** 48 skluz - 85 km eus skluz ar Mailh (Roazhon) da skluz ar C'hasteller (Sant-Samson-an-Renk) - Kevrenn Roazhon-Dinan: Kalandour: 1,20 m - Eoriadur: 1,60 m - Tizh brasañ: 6km/e - Uhelder diheud war dalc'h reizh: etre 2,50 m ha 3,50 m - Kevrenn Roazhon-Redon - Kalandour: etre 1,20 m ha 1,60 m - Eoriadur: 1,60 m - Tizh brasañ: 10km/e er stêrioù ha 6km/e en deveradurioù - Uhelder diheud war dalc'h reizh: 3,20 ha 3,70.

AR WILEN

An Ergerzhadenn: 13 skluz - 52 km eus skluz ar Mailh (Roazhon) da skluz ar Mailh (Gwipri) - 79 km eus skluz ar Mailh (Gwipri) e stankell Arzhal: hentad hep skluz - Kevrenn Roazhon-Redon: Kalandour: 1,20m da 1,60m Eoriadur: 1,60 m - Tizh brasañ: 10km/e gant stêrioù ha 6km/e gant deveradurioù - Uhelder diheud war dalc'h reizh: 3,20 m da 3,70 Kevrenn Roazhon-Arzal: Kalandour: 4,10 m - Eoriadur: 4,30 m - Tizh brasañ: 6km/e - Uhelder diheud war dalc'h reizh: 25m etre 27m.

MONT EN-DRO AR C'HANOLIOÙ

Ur ganol zo ur stêr dour kempennet evit ar bageal, un teknik hag a oa bet savet betek ar 5vet kantved a-raok JK da nebeutañ. Daou zoare zo:

- ✚ Ar ganol kostez a heuilh naoz ur stêr goude bezañ bet reizhet ha kempennet ; evel ar Wilen, ar Blavezh hag an Oud.
- ✚ Ar ganol-stagañ pe ar ganol gant "poentoù rannañ ": ur savadur artifisiel penn-da-benn hag a liamm daou draoñienn stêrioù gant ur rannganol lec'hiet e penn an diazadoù douradurel hag ar skeulioù-skluzioù
- ✚ Pep stêr a red en un draoñienn. Rankout a ra ar ganol-stagañ tremen dreist an torosennadur a zisparti an div draoñienn neuze. Al lec'h uhelañ eus an torosenn-se a vez graet linenn rannañ an doureier anezhañ. Ar rouedad kanolioù a vez graet evel-se gant stêrioù kempennet liammet kenetrezo gant kanolioù stagañ ardaouel. E Breizh ez eus 4 c'hanol-stagañ.

MONT EN-DRO AR SKLUZIOÙ - DEIZIADOÙ HAG EURIOÙ-BAGEEREZH

Adalek 2022 e vo digoret ar prantad merdeñ d'ar Gwener a-raok an takad vakañsoù skol kentañ Pask, goude ar 1añ a viz Ebrel ha serret e miz Here.

E 2024 e vo digoret an hentoù bageal adalek ar 5 A VIZ EBREL betek Ar 27 A Viz Here.

Mont En-dro Ar Skluzioù

Skluzioù ar rouedad a vez kaser en-dro gant skluzerien hepken. War lodennoù zo, da skouer, pa vez ur skalier skluzioù, pe pa veajit gant un steudad-bigi, eo ret mirout servijoù ar skluzier - a rank ambroug ar vag - 24 eurvezh en a-raok (48 eurvezh evit ur steudad-bigi). Ret eo d'ar vageerien en em gavout 15 mn a-raok fin ar servij d'an diwezhatañ. Aliañ a reomp deoc'h kenañ pellgomz d'ur skluz a-raok ma erruit.

Evit Rolloù Ar Skluzioù hag o zaveennoù, PELLGARGIT ar sturlevrioù amañ:

Annuaire du Canal de Nantes à Brest (Roll ar Ganol eus Naoned da Vrest)

[Annuaire des écluses du canal de Nantes à Brest](#)



Annuaire du Canal du Blavet (Roll Kanol ar Blavezh)

[Annuaire du Canal du Blavet](#)

Annuaire du Canal d'Ille et Rance et la Vilaine (Manche-Océane) (Roll Kanol Il-ha-Renk hag ar Gwilen (Manche-Océane)

[Annuaire du Canal d'Ille et Rance et la Vilaine \(Manche-Océane\)](#)

UR GLAD NATUREL DA VIROUT HA GWAREZIÑ

Termenañ a reer un ekoreizhiad evel un unvez ekologel, savet gant un hollad boudoù bev hag a c'hounez ur metoù naturel resis.

Pouez Ekologel Kanolioù Breizh!

E war ar c'henwerzh, e oa deuet rouedad kanolioù Breizh da vont da get. Met buan-kenañ e voe gwelet e oa ar c'hanolioù ur mirlec'h marzhus a zour mat da evañ. Derc'hel da madelezh dour ar c'hanolioù zo un dra a bouez eta, ken evit an dud, ken evit ar spesadoù loened ha plant a zo enno.

AR SPESADOÙ PENNAÑ DA WAREZIÑ

Al Loened - Ur vevliesseurtes vras

Pesked a bep seurt zo er c'hanolioù. Gwarantiñ a ra ar spesadoù gwarezet e vefe miret ur c'hempouez bevoniell. Bevañ a ra an enbroidi e dour dous hag e dour sall ar meurvorioù a bep eil. Gant an eoged atlantel, an noazh, an aloz, al lamprez hag an dluzh-mor e veze implijet ar stêrioù evit mont betek o zakadoù gouennañ.

Ar pesked gwenn, an hollvagoù pe ar geotdebrerien, eo ar re a c'hounez mat endro bevañ ar c'hanolioù. Unan eus ar spesadoù boutinusañ eo ar c'harp.

- Ar Spesadoù Karnaseerien, evel ar beled, ar berc'hed hag ar sandr, eo ar spesadoù stankañ en hor c'hanolioù. Stourm a reont ouzh ar pesked bihan hag ar re glañv pe c'hloazet. Daou spesad, e-touez ar bronneged, a vez pledet dreist-holl gant ar skiantourien hag an naturourien. An dourgon ha spesadoù logod-dall zo, en o zouez ar rhinolof bras. E ribloù ar c'hanolioù e veze degemeret e-leizh a spesadoù laboused evel ar yer-dour, an harozed-ludu, ar merzherien-pesk... Difennet eo chaseal en-dro d'ar c'hanolioù hag e-giz-se e vez gwarezet ar spesadoù-se en un doare ameeun.

- Un Ekoreizhiad Bresk

deroù ar bloavezhioù 1970, goude ma oa bet paouezet gant ar merdeñ eo ekoreizhiadoù ar kanolioù. Dre ma vez degaset spesadoù n'int ket henvroat e vez direizhet o c'hempouez bevoniell. Mont a rejont da baotañ ha neuze e teuont da vezañ « noazus » diwar-goust ar spesadoù henvroat.

- An alouberien:

E dibenn an 19vet kantved e voe degaset pesked dour dous ha bronneged deuet eus kevandir Amerika ha Kreiz-Europa. E-touez ar pesked e kaver dreist-holl ar pesked-kazh, ar silur glane, ar berch-heol hag ar blackbass. Ar pesked-se, a veze graet « dent ar ganol » anezho a-wechoù, a veze taget gant ar spesadoù henvroat hag a veve en o anezioù. Ar ragondin an hini eo ar bronneg pennañ degaset e Bro-C'hall en 19vet kantved evit e feur. Buan a-walc'h e oa ar boblañs o paotañ buan ha poblañ ar ribloù ma vez touet galeoù ganto hag a laka anezho da vreskaat.

- Ar Bleuniadur

Ar gwez, a hed ar c'hanolioù, o deus ur roll pouezus. Da gentañ e vez termenet Domani Publik ar Stêrioù ganto, met, pouezusoc'h c'hoazh, krennet e vez diaezhennadur dourioù ar ganol, dreist-holl e-pad an hañv. Ganto e c'haller ivez stourm ouzh diskar ar ribloù ha danvezelañ ar c'hanolioù. Ar spesadoù pennañ zo: derv, faou, kistin, gwern, onn voutin, haleg gwenn, pupli du ha rabilh.



AOZIT HO CHOMADENN GANT HOR C'HENIZILI

En em gavout a ra hon izili a-hed rouedad ar stêrioù, prest int da harpañ ac'hanoc'h ma fell deoc'h kavout ul lojeiz, ul lec'h da zebriñ, feurmiñ ur vag. kavout ur bod herberc'hiañ, mont war varc'h pe steuñvekaat ur chomadenn leun a obererezhioù. Ma'z oc'h ezel eus hor C'hevredigezh ez eus alies gounidoù profet evel ur roadenn... Adkavit anezho dre glikañ war ar gartenn ha prientit ho chomadenn sioul. Evit gouzout hiroc'h, gwelit kartenn etreoberiat hon izili:

<https://www.escalesfluviales.org/preparer-votre-sejour-2/> (prientiñ ho puhez-deiz-2/)

AL LABEL - KEODED, TENNADOÙ, HAG EHAÑOÙ STÊREL

Lakaet ez eus bet war-sav gant Ehanioù-stêrioù Breizh ul label evit ar c'humunioù a bep tu da ganolioù Breizh istorel, ar c'humunioù a vez graet "Kumunioù glebiet". Ar pal eo doareañ al lec'hiennoù evit ma c'hallo gweladennerien an tiriad anaout ar servijoù kinniget, an obererezhioù, ar glad, ar berv. Ar c'humunioù labelaet-se a ya d'ober ur rouedad hag a c'hallo, gant o pazennoù, lakaat ac'hanoc'h d'ober anaoudegezh gant ar c'hanolioù a bep tennad.

Kêrioù ar Stêrioù: Lec'hiennoù meur a ro an tu da chom e-pad ur reuziad.

Tennadoù stêrel: Lec'hioù da zegemer ar weladennerien evit un nozvezh

Ehanoù stêrel: Lec'hioù da zizoleiñ "arsav-dudi", "arsav natur", "arsav glad.

Pellgargañ hol Levrig ar C'humunioù Labelaet:

<https://www.escalesfluviales.org/association/#label>

SEVENADUR – Ar BERV

A-hed ouzhpenn 600 km ez a kanolioù Breizh d'ober un takad naturel gwarezet evit an dud a blij dezho bageal ha merdeñ... met muioc'h c'hoazh ! Hiziv an deiz e ro ivez an traoñiennoù-se plijadur d'ar re a ya gant an hent-kanol war droad, war varc'h-houarn pe war varc'h ! Emgavioù a-leizh a ro buhez da istor kanol Ill-ha-Renk, ar Wilen, ar ganol Naoned-Brest hag ar Blavez. Evel-se, e-pad ar bloaz, etre festivalioù, abadennoù wae gobiri troioù-bale pe c'hoazh tan-arvest ar 14 a viz Gouere... Ne vanko ket ar bourrapléd a-hed ar c'hanolioù hag ar stêrioù eus Breizh.

DAREMPREDOÙ - Ur goulenn hoc'h eus?

Deuit e ganimp: 06 76 44 90 64

contact@escalesfluviales.bzh

Escales Fluviales de Bretagne 1c Av. de Belle Fontaine, 35510 Cesson-Sévigné

Hol lec'hienn:

Doare gallek:

<https://www.escalesfluviales.org/>

Doare saoznek:

<https://www.escalesfluviales.org/en/welcome-2/>

<https://canaux.bretagne.bzh/>

Darempredoù all:

Evit un dibab bras a levrioù hag a gartennoù war ar c'hanolioù: Embannadurioù ar Breil - Sturlevr Merdeñ - 11400 Castelnaudary - 04 68 23 51 35 - www.carte-fluviale.com

